




Broj: 02-98-1/17
Mostar, 03.03.2017. godine

Parlament Federacije Bosne i Hercegovine
Dom naroda
Sekretar



PREDMET: Odgovor na delegatsko pitanje, dostavlja se;
Veza: Vaš akt broj: 05/2-02-3/17 od 30.01.2017. godine

Poštovani,

Operator za OIEiEK je dana 01.02.2017. godine zaprimio Vaš dopis, broj i datum kao u vezi, koji se odnosi na 16. sjednicu Doma naroda Parlamenta Federacije Bosne i Hercegovine održanoj 12.01.2017. godine, na kojoj je delegat Tomislav Martinović postavio delegatsko pitanje.

Postupajući po Vašem dopisu u nastavku Vam dostavljamo odgovor na delegatsko pitanje koji se odnosi na otkup električne energije u mikropostrojenjima iz OIE po garantovanim otkupnim cijenama.

Predmet Zakona o korištenju obnovljivih izvora energije i efikasne kogeneracije („Službene novine Federacije BiH“, br. 70/13, 5/14) (Zakon), između ostalog definiše obavezujuće ciljeve udjela obnovljivih izvora energije u proizvodnji električne energije, te podsticajne mjere za proizvodnju električne energije iz OIEiEK. Istim Zakonom se detaljnije tretiraju obavezujući ciljevi za korištenje OIE, te je u članu 4. Zakona navedeno da se razvoj i korištenje OIE u Bosni i Hercegovini, kao i nacionalni ciljevi u pogledu udjela energije iz OIE u ukupnoj finalnoj potrošnji energije u Bosni i Hercegovini, u periodu do 2020. godine, utvrđuju Nacionalnim akcionim planom korištenja obnovljivih izvora energije Bosne i Hercegovine (dalje: NAPOE). Sastavni dio NAPOE je Akcioni plan Federacije BiH za korištenje obnovljivih izvora energije (APOEF), kojim se, u okviru nacionalnog cilja korištenja obnovljivih izvora energije, iskazuju obavezujući ciljevi Federacije BiH u udjelu energije iz OIE u ukupnoj finalnoj potrošnji električne energije, energije za grijanje i/ili hlađenje i energije za transport, uvažavajući efekte regulatornih mjera koje se odnose na unapređenje energetske efikasnosti i uštede energije kod krajnjih kupaca, kao i drugih mjera sa svrhom ispunjenja postavljenih ciljeva. APOEF, između ostalog, sadrži i maksimalni nivo instalisane snage proizvođača čija će se proizvodnja podsticati za svaku tehnologiju (dinamičke kvote). Pregled proizvodnje električne energije iz OIE koji će se podsticati do 2020.godine dat je tabelom 10. b. APOEF-a. Izjašnjenje Vlade Federacije Bosne i Hercegovine V.broj: 1756/2014 od 23.09.2014. godine, između ostalog objašnjava projekciju utvrđivanja dinamičkih kvota. Poticanje proizvodnje električne energije se vrši s ciljem ostvarivanja udjela energije iz obnovljivih izvora od 41% u 2020.g. u brutu

finalnoj potrošnji energije na području Federacije BiH kao obaveza koja je za Bosnu i Hercegovinu proistekla kao članici Energetske zajednice.

Također, napominjemo da su dinamičke kvote za primarni izvor „Solarna energija“, na osnovu pozitivno rješenih zahtjeva, dodijeljene do 2020. godine, odnosno da je u 2020. godini ostalo samo još 6 kW slobodnih dinamičkih kvota.

Operator za OIEiEK je, obzirom na specifičnosti mikropostrojenja u odnosu na Zakon i APOEF, tražio mišljenje Regulatorne komisije za energiju u Federaciji BiH i Federalnog ministarstva energije, rudarstva i industrije, koji svako u okviru svojih nadležnosti regulišu i nadziru rad i poslovanje Operatora za OIEiEK.

Regulatorna komisija za energiju u Federaciji BiH je u svom dopisu broj: 01-07-697-01/15 od 27.08.2016. godine, između ostalog, kada je u pitanju član 27. Zakona istakla da, kako se radi o zakonskoj odredbi, u slučaju postojanja nedoumica ili nejasnoća oko značenja iste, Operator za OIEiEK ima mogućnost zatražiti tumačenje te odredbe od Parlamenta Federacije BiH, kao zakonodavca ili barem mišljenje od predlagачa tog zakona, odnosno Federalnog ministarstva energije, rudarstva i industrije.

Postupajući po gore navedenom i uzimajući u obzir da je Vlada Federacije BiH APOEF usvojila na prijedlog Federalnog ministarstva energije, rudarstva i industrije, da je Federalno ministarstvo energije, rudarstva i industrije obrađivač Zakona, Operator za OIEiEK je od Federalnog ministarstva energije, rudarstva i industrije, dopisima broj: 02-2-817/15 od 27.10.2015. godine, broj: 02-2-817-1/15 od 25.02.2016.godine i broj: 02-2-817-2/15 od 27.04.2016. godine, tražio mišljenje o tome da li mikroproizvođači podliježu obavezi podnošenja zahtjeva za sticanje statusa potencijalnog privilegovanog proizvođača i privilegovanog proizvođača električne energije, s izuzetkom obaveze plaćanja depozita, a time i provjeri raspoloživosti dinamičkih kvota kao jednog od kriterija koje postrojenje mora zadovoljiti kako bi isto dobilo traženi status.

Federalno ministarstvo energije, rudarstva i industrije je u svom mišljenju broj: 05-17-1138/16 od 07.05.2016. godine, između ostalog istaklo da u ovom momentu nema mogućnosti podsticati proizvodnju mikropostrojenja odvojeno od plana datog APOEF-a, obzirom da je i na osnovu navedenih dinamičkih kvota urađena i projekcija Plana prikupljanja naknada za podsticanje korištenja OIEiEK za period 10 godina (2010-2020). Također je Federalno ministarstvo energije, rudarstva i industrije, kao službeni obrađivač Zakona i Uredbe o podsticanju proizvodnje električne energije iz obnovljivih izvora energije i efikasne kogeneracije i utvrđivanju naknade za podsticanje istaklo da je mišljenja da mikroproizvođači podliježu obavezi podnošenja zahtjeva za sticanje statusa potencijalnog privilegovanog proizvođača i privilegovanog proizvođača električne energije.

Također je i Upravni odbor Operatora za OIEiEK, na svojoj 17. sjednici održanoj 09.09.2016. godine usvojio zaključak kojim prihvata Informaciju direktora Operatora za OIEiEK o podnesenim zahtjevima za otkup električne energije iz mikropostrojenja, te je odlučio da treba odbiti zahtjeve mikroproizvođača s obzirom da nema raspoloživih dinamičkih kvota predviđenih APOEF-om.

Član 27. Zakona ne može se posmatrati odvojeno od ostalih članova istog Zakona, te se isti mora posmatrati zajedno i sa ostalim podzakonskim aktima. Posmatrajući član

23. Zakona, jasno je da obavezi podnošenja zahtjeva za sticanje statusa potencijalnog privilegovanog proizvođača i privilegovanog proizvođača električne energije podjednako podliježu i mikropostrojivačima, s izuzetkom obaveze plaćanja depozita, a kako je propisano članom 23. stav (12) Zakona. Shodno tome je obavezna i provjera raspoloživosti dinamičkih kvota kao jedan od kriterija koje postrojenje mora zadovoljiti kako bi isto dobilo traženi status.

Analizirajući odredbe Uredbe o podsticanju proizvodnje električne energije iz obnovljivih izvora energije i efikasne kogeneracije i utvrđivanju naknade za podsticanje ista ne tretira mikropostrojenja odvojeno od ostalih postrojenja, čak suprotno, jasno definiše samo gornju granicu instalisanе snage, što znači da je za mikropostrojenja predviđena ista procedura sticanja statusa privilegovanog proizvođača, kao i za ostala postrojenja, kao i da se mikropostrojenja računaju u dinamičku kvotu odgovarajućeg primarnog izvora.

Tabela 10b. Akcionog plana Federacije BiH za korištenje obnovljivih izvora energije jasno navodi mikropostrojenja prilikom određivanja dinamičkih kvota za svaki primarni izvor koji će se podsticati do 2020. godine. Također, ukupno proizvedena energija iz mikropostrojenja je sastavni dio predviđene energije svakog pojedinog primarnog izvora utvrđena radi osiguranja provedbe zakonske odredbe o minimalnom učešću od 5% od ciljanog udjela za proizvodnju energije iz postrojenja za OIEiEK.

Vlada Federacije Bosne i Hercegovine je svojim Izjašnjenjem, V. broj: 1756/2014 od 23.09.2014.godine, praktično, potvrdila sve gore navedeno, odnosno da je gornjim dijelom tabele 10b. data projekcija i način utvrđivanja dinamičkih kvota za period do 2020. godine a donjim dijelom iste tabele, su iskazane dinamičke kvote (u MWh), odnosno, dat je pregled proizvodnje električne energije iz OIE koja će se podsticati do 2020. godine. Prethodno smo već utvrdili da i gornji i donji dio tabele 10b. APOEF-a, sadrže planiranu proizvodnju iz mikropostrojenja te da nema mogućnosti podsticati njihovu proizvodnju odvojeno od ovog plana.

Za dodatne informacije stojimo vam na raspolaganju.

S poštovanjem,

Prilog:

- Odgovor FERK-a, broj: 01-07-697-01/15 od 27.08.2015. godine;
- Odgovor FMERI-a broj: 05-17-1138/16 od 07.05.2016. godine.

Dostaviti:

- Naslovu
- a/a

DIREKTOR
Borisa Misrača





Broj: 01-07-697-01/15
Mostar, 27-08-2015

BOSNA I HERCEGOVINA
FEDERACIJA BOSNE I HERCEGOVINE
Operator za obnovljive izvore energije i efikasnu kogeneraciju
Adema Buća 34
88000 Mostar
n/r gospodina Hajrudina Bećirovića, direktora

Bosna i Hercegovina
Federacija Bosne i Hercegovine

OPERATOR ZA OIE I EK
MOSTAR

Primljeno: 28.08.2015.

Broj: 07-618/15 Priloga:

PREDMET: **Pravilnik za mikro-postrojenja obnovljivih izvora energije**

Poštovani,

Regulatorna komisija za energiju u Federaciji Bosne i Hercegovine – FERK je dana 05.08.2015. godine pod brojem 01-07-697/15 primila Vaš dopis koji se odnosi na FERK-ov Pravilnik za mikro-postrojenja obnovljivih izvora energije („Službene novine Federacije BiH“ broj 50/14).

U vezi sa tim, obavještavamo Vas da je navedeni pravilnik donesen u skladu sa članom 27. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), uz uvažavanje svih zakonskih odredbi.

U vezi Vašeg upita vezanog za pojmove mikro-postrojenja OIE i mikro-proizvođača iz OIE (vlasnik postrojenja OIE), napominjemo da sam Zakon o korištenju obnovljivih izvora energije i efikasne kogeneracije uvodi ove pojmove, na način što u članu 3. stav (1) točka r) definira mikro-postrojenje OIE kao postrojenje za proizvodnju električne energije iz OIE, instalirane snage između 2 kW i 23 kW, koje ima pravo na ostvarivanje posebnog podsticaja, kako je to definisano članom 27. tog Zakona. Dalje, u članu 27. Zakon dodatno reguliše mikro-postrojenje OIE, pri čemu uvodi i pojam mikro-proizvođača OIE u stavovima (5), (6) i (7). Iz zakonskih odredbi jasno proizlazi da je mikro-proizvođač vlasnik mikro-postrojenja OIE, te ujedno imalač dozvole za rad za proizvodnju električne energije u mikro-postrojenjima OIE.

U tom smislu, a izvršavajući svoje zakonom propisane nadležnosti, FERK izdaje, između ostalih, dozvolu za rad za proizvodnju električne energije i dozvolu za rad za proizvodnju električne energije u mikro-postrojenjima OIE. Na taj način FERK uzima u obzir posebnosti mikro-postrojenja OIE u odnosu na ostala proizvodna postrojenja, te na posebna način propisuje uslove te dozvole za rad.

Pitanje obaveznog otkupa električne energije iz mikro-postrojenja OIE, na koje imaju pravo mikro-proizvođači regulisano je Zakonom o korištenju obnovljivih izvora energije i efikasne kogeneracije, u članu 27. stav (6). Ta zakonska odredba je preuzeta u FERK-ov Pravilnik za mikro-postrojenja obnovljivih izvora energije, iz razloga što je

FERK imao namjeru na jedan cjelovit način obraditi ovu materiju, ali ostajući u okviru svojih ovlasti.

Međutim, kako se radi o zakonskoj odredbi, u slučaju postojanja nedoumica ili nejasnoća oko značenja iste, imate mogućnost zatražiti tumačenje te odredbe od Parlamenta Federacije BiH, kao zakonodavca, ili barem mišljenje od predлагаča tog zakona, odnosno Federalnog ministarstva energije, rудarstva i industrije. Pri tom napominjemo da zakon ima veću pravnu snagu od podzakonskog akta, pa je u tom smislu potrebno promatrati odnos Zakona o korištenju obnovljivih izvora energije i efikasne kogeneracije i Akcionog plana Federacije BiH za korištenje obnovljivih izvora energije – APOEF-a („Službene novine Federacije BiH“ broj 48/14).

S poštovanjem,




Dostaviti:

- Naslovu
- a/a

Broj: 05-17-1138/16
Mostar, 07.05.2016. godine

**OPERATOR ZA OBNOVLJIVE IZVORE ENERGIJE
I EFIKASNU/UČINKOVITU KOGENERACIJU**
n/r gosp. Hajrudin Bećirović, direktor



PREDMET : Otkup električne energije iz mikropostrojenja, mišljenje dostavlja se

Poštovani,

Vašim aktom, broj: 02-2-817-2/15 od 27.04.2016. godine Federalno ministarstvo energije, ruderstva i industrije je upoznato sa zahtjevom privrednog društva Šakota d.o.o. iz Čitluka za sticanje statusa privilegovanog proizvođača električne energije kao i problematikom vezanoj za otkup električne energije iz mikropostrojenja i druga otvorena pitanja vezana za mikropostrojenja imajući u vidu njihovu specifičnost.

Takođe istim aktom, od Federalnog ministarstva energije, ruderstva i industrije zatraženo je mišljenje u vezi slijedećih pitanja:

- Da li se da se na mikropostrojenja ne primjenjuju dinamičke kvote iz APOEF-a, odnosno da se njima automatizmom električna energije otkupljuje po garantovanim cijenama, bez prethodnog podnošenja zahtjeva za sticanje stausa privilegovanog proizvođača?
 - da li mikroproizvođači podliježu obavezi podnošenja zahtjeva za sticanje statusa potencijalnog privilegovanog proizvođača i privilegovanog proizvođača električne energije, s izuzetkom obaveze plaćanja depozita, a time i provjeri raspoloživosti dinamičkih kvota kao jednog od kriterija koje postrojenje mora zadovoljiti kako bi isto dobilo traženi status?
- (1) U skladu sa prethodnim, a vezano za Vaš prvi upit, Federalno ministarstvo energije, ruderstva i industrije, kao službeni obrađivač Zakona o korišćenju obnovljivih izvora energije i efikasne kogeneracije („Službene novine Federacije BiH“, br.70/13 i 5/14) i Akcionog plana Federacije BiH o korištenju obnovljivih izvora energije (APOEF) („Službene novine Federacije BiH“, br.48/14), je mišljenja da je Zakonom o korišćenju obnovljivih izvora energije i efikasne kogeneracije („Službene novine Federacije BiH“, br.70/13 i 5/14), u članu 5., stav(2) tačka f), propisano kako APOEF između ostalog definiše **maksimalni nivo instalisane snage privilegovanih proizvođača za svaku tehnologiju (u dalnjem tekstu: dinamičke kvote)**. Takođe, članom 18. Stav (2) ovog Zakona propisano je da se **Dinamičke kvote određuju u ukupnom planiranom iznosu podsticajne proizvodnje za svaki primarni izvor, bez podjele na tipove postrojenja, a iskazuju se u kWh, a članom 19 stav (1) ovog Zakona je propisano da u dinamičkim kvotama će biti zastupljeni svi primarni izvori za proizvodnju iz**

obnovljivih izvora energije sa najmanje 5% od ciljanog udjela za proizvodnju energije iz postrojenja za OIEiEK.

Uvidom u Tabelu 10b. APOEF-a jasno je vidljivo da su u njoj uključena i mikropostrojenja prilikom određivanja dinamičkih kvota za svaki primarni izvor koji će se podsticati do 2020. godine. Također, ukupno proizvedena energija iz mikropostrojenja je sastavni dio predviđene energije svakog pojedinog primarnog izvora a koja je utvrđena radi osiguranja provedbe zakonske odredbe o minimalnom učešću od 5% od ciljanog udjela za proizvodnju energije iz postrojenja za OIEiEK. Naime, gornjim dijelom Tabele 10b. APOEF-a, data je projekcija i način utvrđivanja dinamičkih kvota za period do 2020. godine, a donjim dijelom iste tabele, su iskazane dinamičke kvote (u MWh), odnosno, dat je pregled proizvodnje električne energije iz OIE koja će se podsticati do 2020. godine. Navedeno potvrđuje da gornji i donji dio Tabele 10b. APOEF-a, sadrže i planiranu proizvodnju iz mikropostrojenja, te da u ovom momentu nema mogućnosti podsticati njihovu proizvodnju odvojeno od ovog plana, obzirom da je i na osnovu navedenih dinamičkih kvota urađena i projekcija Plana prikupljanja naknada za podsticanje korištenja OIEiEK za period 10 godina (2010-2020).

(2) Vezano za vaš drugi upit, Federalno ministarstvo energije rудarstva i industrije, kao službeni obrađivač Zakona o korišćenju obnovljivih izvora energije i efikasne kogeneracije(„Službene novine Federacije BiH“, br.70/13 i 5/14) i Uredbe o podsticanju proizvodnje električne energije iz obnovljivih izvora i efikasne kogeneracije i određivanju naknade za podsticanje(„Službene novine Federacije BiH“, br.48/14) je mišljenja da mikroproizvođači podliježu obavezi podnošenja zahtjeva za sticanje statusa potencijalnog privilegovanog proizvođača i privilegovanog proizvođača električne energije, s izuzetkom obaveze plaćanja depozita u skladu sa odredbama člana 23. navedenog Zakona kao i odredbama čl. 25. i 26. navedene Uredbe.

S poštovanjem,

Dostaviti : - Naslovu
- 05 ,
- a/a

